

**Bələ nii sagı tə,  
Zwan  
nə púpúní  
Zwan bələ nii sagı tə yuu wa  
sugv**

*Lìù tə, v nə púpúní sagı kv tə*

Lìa zənzən buŋa də, kv yɪ Zwezi karbiu Zwan nə púpúní kv. Zwan tə, v nə púpúní sagı tə don tə, mə v mù nə púpúní kv tə də. U yà boŋə v tiàn <nəkwiə>.

*Lìa tə nə, Zwan nə púpúní*

Zwan púpúní sagı kv tə, v pa \*Kərisə lià púlí don nə, kv nə wulə bwálí don nə.

*Sagı tə wa sugv*

U ja kv púlí təntə v boŋə <kan tə də v bia tə>. Kan təntə, Yɪ nə kúrí v tún, yɪ \*Kərisə lià púlí don. Yá v bia tə dań nə yɪ Kərisə lià tə. U kàrì ba, sə ba ya cígá wa máŋá mama, sə ba soni duən. Kv tə nə súde lá, v swìn ba con, sə ba cì ba tiàn nə də kunkun karnyɪna-ba, ba yà nə kàrì kunkun kàrà Zwezi-Kərisə yuu wa, sə ba ma gıgarı Kərisə lià duən ba dugv.

*Təntən jònà bwálí*

<sup>1</sup> À mù \*nəkwiə tə nə púpúní sagı kv tə, à pɪn n mù, kan tə də n bia tə nə. Yɪ nə kúrí mú v tún. À swə n də n bia tə də cígá cígá sonu. Kv

tà à cɪcɪ nə swə aba, ku ya à mù də lià tə mama, ba nə yèé Yɪ cígá cígá tə.

<sup>2</sup> Yɪ cígá tə wulə də nəba, ku ga wá ya də nəba máŋá də máŋá, ku nə ba zwèe.

<sup>3</sup> Nə nyɪna Yɪ də ɔ biú Zwezi-\*Kərisə wá twá də cígá də sonu, ba fwa pubwanɔ nə yɪra. Ba mù nə wá dəri nə yinəgə zənzən, ba ga pa nəba bɪcan sié.

*Cígá də sonu yoo*

*(Zwan 13.34-35; 1 Zwan 5.1-3)*

<sup>4</sup> Á pùé poli zənzən, də à nə nì də, n bia tə duən zilí Yɪ cígá tə nii, ndə nyɪna Yɪ nə pɪn nəba nii yoo təntə yuu wa, sə nə ya nətu. <sup>5</sup> Yá síún nə, à dān lòrì ku tə, n mù kan tə con. Ku mù nə ya, sə nə sóní duən. Ku tà yodɔn yuu wa nii nə, à púpúní, sə à pa mú. Ku ya yoo tə, nə nə dí yáá, nə yèé ku jɪjɔ mama yuu wa, nii. <sup>6</sup> Sonu yɪ won tə, ku bɪrɪ də, nə twá yoo tə nə, Yɪ nə pɪn ɔ nii tə ku yuu wa zəni. Á nəŋə yoo tə, Yɪ nə pɪn ɔ nii tə ku yuu wa, á nə dí yáá á yèé ku jɪjɔ mama, á ga mɛ, sə á twá ku nə zəni.

*Á cia á tiàn nə də kunkun kàrà tiàn*

*(1 Zwan 4.1-6; 2.18-23)*

<sup>7</sup> Kunkun kàrà tiàn twí, ba sú lɔt tə nii. Ba mù ba sɛe, ba swɪn ba bɪrɪ də, Zwezi-\*Kərisə yɪ ɔ nan Yɪ con ɔ bà, ɔ pa kan lɔrɪ wá tia yuu. Liù tə, ɔ nə ba ku yoo təntə swɪn ɔ bɪrɪ, ɔ ya kunkun kàrà tíú. ɔ ya liù tə, ɔ nə yɪ Zwezi-Kərisə duŋɔ.

<sup>8</sup> Á dān cia á tiàn nə, sə nə tutuŋɪ tə, nə nə dí yáá nə tun, dān ká va tutu, sə á wàní á na ku ŋwírán mama.

<sup>9</sup> Liù tē mama, v nē ba Zwezi-Kērisē kàrà tē nii zìlì zēni, mánǵá mama wuuu, v nē jén v va yuḡuḡu, Yu tēlǵ dē ku tíú. Liù tē, v nē zìlì Zwezi-Kērisē kàrà tē nii zēni, v wulə dē nyḡna Yu dē v biú Zwezi-Kērisē, mánǵá mama wuuu. <sup>10</sup> Dē liù nē twi á con, v ga wà kàrà tētē ja bà á con, á dànà ká sēe, á pa ku tíú zv á diè wa. Á dànà ká juḡ wá tētē. <sup>11</sup> Liù tē, v nē juḡ wá, v mù dē wá jē nīmarv v tvtvḡkvḡwḡnan tē yuu wa.

### *Sagḡ tē yígúré sùràn*

<sup>12</sup> À jē yìèḡ zēnzēḡ, à nē pià, sē à swìḡ á con, yá à ga ba pià, sē à púpúnì tē sagḡ wa dē púpúná mva. À buḡa, sē à tētē bà á con, sē à swìḡ á con dē nii, sē ku pa nē pupwēḡ tē nii sù cíǵá cíǵá.

<sup>13</sup> N nubva\* tē, Yu nē kúrí v tún, bia tē, jùḡnì mú.

---

\* **1:13** 1.13 Nubva tētē yḡ \*Kērisē lià púlì tē, Zwan nē wulə ku wa.

**Yu soywánó sagı**  
**Nuni, Southern: Yu soywánó sagı New Testament**  
**Le Nouveau Testament en Nun**

copyright © 1999 Wycliffe Bible Translators, Inc.

Language: Nuni, Southern

Contributor: Wycliffe Bible Translators, Inc.

All rights reserved.

2020-11-30

---

PDF generated using Haiola and XeLaTeX on 21 Feb 2024 from source  
files dated 29 Jan 2022

d18530a7-7259-5f23-92b6-70e3abe5f3fa